

სახელმწიფო შესყიდვის შესახებ ხელშეკრულება

N01- 04/909

ქ. თბილისი

19 ივლისი 2016 წ.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის გიორგი კობერიძის სახით და მეორეს მხრივ შპს „საქართველოს მელიორაცია“, წარმოდგენილი მისი გენერალური დირექტორის ლევან დვალის სახით (შემდგომში „მიმწოდებელი“) „სახელმწიფო შესყიდვების შესახებ“ საქართველოს კანონის მე-10¹ მუხლის, მესამე პუნქტის „ბ“ ქვეპუნქტისა და სახელმწიფო შესყიდვების სააგენტოს თავმჯდომარის 2016 წლის 18 ივლისის N2088 განკარგულების საფუძველზე (SMP160001967) შ.პ.ს „საქართველოს გაერთიანებული წყალმომარაგების კომპანიის“ 2016 წლის საკუთარი სახსრებით დაფინანსების ფარგლებში გამართებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებლის შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც გაუწევს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 არსებული მდგომარეობის მოკლე აღწერა: დაბა ჩოხატაურში მდინარე სუფსის წყალმოვარდნის შედეგად დაზიანდა სატუმბი სადგური და მოსილა მიმდებარე ტერიტორია. აღნიშნული სათავე ამარაგებს დაბა ჩოხატაურს სასმელი წყლით. მოვარდნილი ღვარცოფის შედეგად სატუმბი სადგურის ტერიტორიის დიდი ნაწილი ღობესთან ერთად სრულად წაიღო წყალმა, ასევე მოიშალა წყალშემკრები ჭა რომლითაც ხდება წყლის მიწოდება სატუმბი სადგურისთვის საიდანაც ნაწილდება წყალმომარაგების ქსელში. მოვარდნილმა წყალმა შემოიტანა ლამი და ქვადორდი, რაც ქმნის სასმელი წყლის დაბინძურების საფრთხეს. აღნიშნული წყალშემკრები ჭის საშუალებით მარაგდება დაბა ჩოხატაურის მოსახლეობა (დაახლოებით 1000-მდე აბონენტი). ლანჩხუთში მოვარდნილმა წყალმა დააზიანა ორაგვის სათავე, წყლის დიდმა ნაკადმა აუზში შემოიტანა ქვადორდი, რომლის შედეგადაც აიძვრა წყალი და სასმელად უვარგისი გახდა.
 - 2.2 შესყიდვის ობიექტი-შესყიდვის ობიექტს წარმოადგენს დაზიანებული ინფრასტრუქტურის- წყალშემკრები ჭისა და მიმდებარე ტერიტორიების დროულად აღდგენისა და დასილული ტერიტორიების გაწმენდისთვის) სპეციალური-მუხლუხიანი სპეც.ტექნიკის (25 ტონიანი მუხლუხებიანი ექსკავატორი DOSSAN) მომსახურების შესყიდვა 10 დღით, მათ შორის 5 დღე ჩოხატაურში და 5 დღე ლანჩხუთში (CPV-45520000- მიწის სათხრელი მოწყობილობებისა და მათი ოპერატორების დაქირავება).
- შენიშვნა: ერთი სამუშაო დღის ხანგრძლივობა განისაზღვრება რვა სამუშაო საათით

3. ხელშეკრულების ღირებულება

- 3.1. მომსახურების გაწევის ფასი განისაზღვრება ლარებში.
- 3.2. ხელშეკრულების ჯამური ღირებულება შეადგენს 10700 ლარს ყველა ხარჯისა და გადასახადის გათვალისწინებით. 1 დღით მუხლუხიანი ტრაქტორის დაქირავების ღირებულებაა 1070 ლარი.

3.3. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიწოდების ყველა ხარჯს და საქართველოს კანონმდებლობით გათვალისწინებულ გადასახადებს. მათ შორის ოპერატორისა და საწვავ-საპოხი მასალების ხარჯებს;

4. ანგარიშსწორების წესი

4.1 "მიმწოდებელთან" ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

4.2 დაფინანსების წყარო: შპს „საქართველოს გაერთიანებული წყალმომარაგების კომპანიის“ საკუთარი სახსრები.

4.3 ანგარიშსწორება განხორციელდება ფაქტიურად გაწეული მომსახურების შესაბამისად, მიღება-ჩაბარების აქტისა და საგადასახადო ანგარიშფაქტურის მიმწოდებლის მიერ წარდგენიდან 10 (ათი) სამუშაო დღის ვადაში.

4.4 წინასწარი ანგარიშსწორება არ გამოიყენება.

5. ხელშეკრულების შესრულების კონტროლი

5.1 შემსყიდველი უფლებამოსილია განახორციელოს მომსახურების გაწევის კონტროლი.

5.2 მიმწოდებელი უფლებამოსილია დაესწროს ინსპექტირების პროცესს.

5.3 ინსპექტირებას „შემსყიდველის“ მხრიდან განახორციელებს შპს „საქართველოს გაერთიანებული წყალმომარაგების კომპანიის“ ოზურგეთის, ჩოხატაურისა და ლანჩხუთის სერვის ცენტრის უფლებამოსილი წარმომადგენელი/წარმომადგენლები.

6. მომსახურების გაწევის პირობები

6.1 მომსახურების გაწევა უნდა დაიწყოს ხელშეკრულების გაფორმების დღიდან მეორე დღესვე და დასრულდეს მომსახურების დაწყების დღიდან 10 კალენდარული დღის განმავლობაში, არახელსაყრელი კლიმატური პირობების (ატმოსფერული ნალექის) შემთხვევაში აღნიშნული ვადა შესაძლებელია გაგრძელდეს შესაბამისი კლიმატური პირობების დადგომის ვადით, რაც უნდა დაფიქსირდეს მომსახურების მიღება-ჩაბარების აქტში;

6.2 მომსახურების გაწევა განხორციელდება დაბა ჩოხატაურში და ლანჩხუთში

7. მხარეთა უფლება-მოვალეობები

7.1. შემსყიდველი უფლებამოსილია:

ა) მომსახურების გაწევის დროს განახორციელოს ხარისხისა და სხვა პირობების წინამდებარე ხელშეკრულების პირობებთან შესაბამისობის ინსპექტირება;

ბ) მოთხოვოს მიმწოდებელს წინამდებარე ხელშეკრულების პირობების შესრულება

7.2. შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია:

ა) მომსახურება გაწიოს ამ სფეროში საერთაშორისოდ აღიარებული ნორმებისა და სტანდარტების შესაბამისად, დაიცვას უსაფრთხოების ზომები მოქმედი კანონმდებლობით დადგენილი წესების სრული დაცვით.

ბ) გათვალისწინოს მომსახურების განხორციელების პრცესში შესაძლო რისკები და უზრუნველყოს მოსალოდნელი საფრთხეების თავიდან არიდება;

გ) სრულად აიღოს პასუხისმგებლობა მომსახურების გაწევის პროცესში ტექნიკისა და ოპერატორის უსაფრთხოების დაცვაზე;

დ) სრულად უზრუნველყოს მისი ქმედების/უმოქმედობის შედეგადა გარემოზე ან/და სხვა სახის ქონებაზე მიყენებული ზიანის ანაზღაურება;

ე) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

8. შესყიდვის ობიექტის მიღება-ჩაბარების წესი

შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით, რომელშიც აღნიშნული უნდა იყოს გაწეული მომსახურების დასახელება, ღირებულება, ჯამური თანხა, მომსახურების ხარისხობრივი შესაბამისობა ხელშეკრულების პირობებთან, ხელშეკრულების რეკვიზიტები, მიღება-ჩაბარების გაფორმების თარიღი და ადგილი. (შემსყიდველის მხრიდან მიღება-ჩაბარების აქტზე ხელმოწერას განახორციელებს ოზურგეთის, ჩოხატაურისა და ლანჩხუთის სერვის ცენტრის უფლებამოსილი წარმომადგენელი/წარმომადგენლები)

9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით.

9.2. ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, "მიმწოდებელი" ჯარიმდება ხელშეკრულების ჯამური ღირებულების 3 (სამი) პროცენტის ოდენობით.

9.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.5. ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს გაწეული მომსახურების ღირებულებიდან, იმ შემთხვევაში თუ მომსახურება არაა გაწეული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შემსყიდველის სასარგებლოდ, ხოლო იმ შემთხვევაში თუ გაწეული მომსახურების ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და გაწეულ მომსახურების ღირებულებას შორის არსებული სხვაობა შემსყიდველის სასარგებლოდ.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.3 „შემსყიდველი“ ვალდებულია 10.2 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე

11. ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2016 წლის 20 (ოცი) სექტემბრის ჩათვლით.

11 ფორს-მაჟორი

11.1 ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი

ხასიათი. ასეთი გარემოება შეიძლება გამოწვეული იქნას ოძით, სტიქიური ძოვლებებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11.4 მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. დამატებითი პირობები

13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14. მხარეთა რეკვიზიტები:

შემსყიდველი:

შპს „საქართველოს გაერთიანებული
წყალმომარაგების კომპანია“
მის: ქ.თბილისი, ვაჟა-ფშაველა N76ბ
სს „ლიბერთი ბანკი“
ცენტრალური ფილიალი
კოდი: 220101480, LBRTGE22
ა/ა N GE77LB0113123325230012
ს/კ 412670097



მიმწოდებელი:

შპს „საქართველოს მელიორაცია“
საიდენტიფიკაციო კოდი: 204524568
მისამართი: ქ. თბილისი, მარშალ
გელოვანის გამზ. №6
სს საქართველოს ბანკი
ბანკის კოდი BAGAGE22
ა.ა.: GE58BG0000000182323100

